


# ERLANTZ FURUNDARENA AGIRRE

D Maila | Bertsoa | 1. saria

Hamalau urte ditut eta DBH 2.maila egiten ari naiz Andramendi Ikastolan. Zaletasun ugari ditut, musika, dantza, padelean aritzea, irakurtzea... Komikiak ikaragarri gustatzen zaizkit. Bertsolaritzan ere aritua naiz, baina denerako denborarik ez eta utzi egin behar izan nuen, orain etxean familian aritzen gara tarteka.



## ALTXA GAITEZEN

Pelikula guztiak  
politik, xarmantak,  
protagonistak beti  
ederrak, galantak,  
izaten dituzte, bai,  
arazo ta dramak,  
baina gaizki bukatzen  
esaidazu zenbat,  
bizi errealean  
gezurra, erabat!

Benetako munduan

gaiztoak agintzen,  
munduaren erdia  
gosez dago, hiltzen,  
borroka, miseria,  
handitzen, handitzen,  
guzti honek burua  
ez digu argitzen,  
ez dakigu denbora  
ongi erabiltzen.

Agintariei diet  
askotan antzeman,  
jarri nahi gaituztela  
elkarrekin teman,  
ez gaitezen ba sartu  
beraien eskeman,  
eta behingoz elkarri  
bostekoa eman,  
izan protagonista  
munduko zineman.

Elkartu gaitezen ba,  
goazen kalera

mundu hobeago bat

aldarrikatzera,

indar handia dugu

guztiok batera,

oztopoen aurrean

ez egin atzera,

antolatu gaitezen,

badugu aukera!